



*Շրջակա միջավայրի նախարարության
«Հիդրոդերևութաբանության և մոնիթորինգի կենտրոն» ՊՈԱԿ*

ԱԳՐՈՇԵՐՆՎՈՒԹԱԲԱՆԱԿԱՆ

ՏԵՂԵԿԱԳԻՐ

2025


Նոյեմբերի երկրորդ տասնօրյակ

Տեղեկագիրը կազմել է ագրոդերևութաբանության բաժինը՝ մասնագիտացված ագրոդերևութաբանական կայաններից ստացված տեղեկատվության հիման վրա:

Տեղեկագրի պատասխանատու՝ տնօրենի տեղակալ Գ. Մուրենյան

ՀԻՄՆԱԿԱՆ ՕԴԵՐԵՎՈՒԹԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ

Նոյեմբերի երկրորդ փասնօրյակում օդի միջին ջերմաստիճանը հանրապետության շրջանների զգալի մասում նորմայից բարձր է եղել 3-5 աստիճանով:




Տասնօրյակի ամենաբարձր ջերմաստիճանները դիտվել են նոյեմբերի առաջին հինգօրյակում. Տավուշում գրանցվել է $+20...+22^{\circ}\text{C}$, Վայոց ձորի լեռնային շրջաններում՝ $+15...+17^{\circ}\text{C}$, նախալեռնային շրջաններում՝ $+19...+21^{\circ}\text{C}$, Սյունիքի հովտային շրջաններում՝ $+23...+25^{\circ}\text{C}$, նախալեռնային շրջաններում՝ $+20...+22^{\circ}\text{C}$, Շիրակում՝ $+12...+16^{\circ}\text{C}$, Կոտայքի լեռնային շրջաններում՝ $+12...+14^{\circ}\text{C}$, նախալեռնային շրջաններում՝ $+15...+17^{\circ}\text{C}$, Գեղարքունիքում՝ $+13...+17^{\circ}\text{C}$, Լոռիում՝ $+19...+21^{\circ}\text{C}$, Արմավիրում, Արարատում՝ $+18...+20^{\circ}\text{C}$, Արագածոտնի լեռնային շրջաններում՝ $+12...+14^{\circ}\text{C}$, նախալեռններում՝ $+16...+19^{\circ}\text{C}$:

Տասնօրյակի ամենացածր ջերմաստիճանները դիտվել են նոյեմբերի 19-ին և 20-ին. Տավուշում գրանցվել է $+3...+6^{\circ}\text{C}$ (Դիլիջան՝ $+1^{\circ}\text{C}$), Վայոց ձորի լեռնային շրջաններում՝ $-2...-4^{\circ}\text{C}$, նախալեռնային շրջաններում՝ $-1...+1^{\circ}\text{C}$, Սյունիքի հովտային շրջաններում՝ $+2...+5^{\circ}\text{C}$, նախալեռնային շրջաններում՝ $0...+2^{\circ}\text{C}$ (Սիսիան՝ -8°C), Շիրակում՝ $-2...-4^{\circ}\text{C}$ (Գյումրի՝ -8°C , Աշոց՝ -12°C), Կոտայքի լեռնային շրջաններում՝ $-5...-7^{\circ}\text{C}$ (Ֆանտան՝ -1°C), նախալեռնային շրջաններում՝ $-1...+1^{\circ}\text{C}$, Գեղարքունիքում՝ $-3...+1^{\circ}\text{C}$ (Գավառ, Մասրիկ՝ -8°C), Լոռիում՝ $-6...-10^{\circ}\text{C}$ (Վանաձոր՝ -4°C , Օձուն՝ $+1^{\circ}\text{C}$), Արմավիրում՝ $0...-2^{\circ}\text{C}$, Արարատում՝ $-2...+1^{\circ}\text{C}$, Արագածոտնի լեռնային շրջաններում՝ $-7...-9^{\circ}\text{C}$, նախալեռններում՝ $-1...+3^{\circ}\text{C}$:

Ողջ տասնօրյակի ընթացքում թույլ տեղումներ դիտվել են միայն նոյեմբերի 15-17-ին: Տեղումների գումարային քանակը կազմել է 2-6մմ, ինչն ընդհանուր առմամբ կազմում է ամսական նորմայի 2-15%-ը: Լողիում ինչպես առաջին, այնպես էլ երկրորդ տասնօրյակում տեղումներ չեն դիտվել:



Հողի մակերևույթի նվազագույն ջերմաստիճանները գրանցվել են նոյեմբերի 20-ին. լեռնային շրջաններում՝ -4...-9°C, տեղ-տեղ՝ -10...-12°C, նախալեռնային և հովտային շրջաններում՝ -3...+1°C:



Հողի արդյունավետ խոնավության պաշարները լեռնային շրջաններում հողի 20սմ խորության վրա կազմել են 10-25%, նախալեռնային շրջաններում՝ 13-25%, հովտային շրջաններում՝ 15-30%: Հողի 40սմ խորության շերտում լեռնային շրջաններում կազմել են 15-25%, նախալեռնային շրջաններում՝ 15-30%, հովտային շրջաններում՝ 17-35%:



Աշնանացան ցորեն



Նոյեմբերի երկրորդ տասնօրյակում աշնանացան ցորենի վեգետացիան լեռնային շրջաններում դադարել է, նախալեռնային շրջաններում բույսի աճ տեղի է ունենցել միայն ցերեկային ժամերին, իսկ հավրային շրջաններում վեգետացիան դեռ շարունակվել է:

Առանձին լեռնային շրջաններում (Գյումրի, Սիսիան, Մասրիկ) աշնանացանը թփակալել է, մնացած շրջաններում այն գտնվել է երրորդ տերևի և հանգուցային արմատի առաջացման փուլերում:

Աշնանացանի բարձրությունը տասնօրյակի վերջին կազմել է 14-26սմ:

Տասնօրյակի ընթացքում որոշ լեռնային շրջաններում հողի մակերևույթին դիտված բացասական

ջերմաստիճանները ($-4...-9^{\circ}\text{C}$, տեղ-տեղ $-10...-12^{\circ}\text{C}$) և ձյունածածկույթի բացակայությունը վրանգավոր էին թերզարգացած աշնանացանի համար:

Վեգետացիոն ինդեքսի ընթացիկ ընթացքն անցյալ տարվա և բազմամյա միջինի համեմատ

